

## SAJAK – IBU

Coretan Nur Qurratulaini Khaliesah Bt Hazmi, UiTM Kuala Pilah  
*Disiarkan pada 5 Januari 2020*

Lahirnya seorang puteri bagai intan permata,  
diazankannya di telinga kanan oleh wali tercinta,  
seakan-akan mimpi menjadi nyata,  
tangisan seorang 'bonda',  
memperjuangkan dirinya,  
demi sebutir permata.

Jauh termenung kebesaran Ilahi,  
Didogaknya ke atas melihat ke langit,  
Anugerah ALLAH,  
Tidak mampu ditandingi,  
Hanya sebak di dada insan yang merendah diri.

Dikendong ke hulu ke hilir ke mari,  
Si intan permata yang dahulunya kecil,  
Sudah menjadi mahasiswi,  
Diberinya didikan agama serta kehidupan bumi,  
Mendoakkannya selalu,  
Agar menjadi para syuhada yang diredhai.

Akan tetapi,  
dewasa kian menyelubungi diri,  
Jiwa memberontak darah muda meruntuni,  
Semakin hari merasakan dirinya jauh dibuai mimpi,  
Terlampau mengikut hawa nafsu sendiri,  
Akhirnya tersungkur binasa di muka bumi.

Sibuk mengejar harta dan duniawi,  
Bonda dan ayahanda di kampung terasa sunyi,  
Mencari pasangan bangsawan putera tertambat dihati,  
Berputik cinta tanpa diketahui,  
Memperoleh restu keputusan sendiri.

Kelihatan seorang wanita di sejadah,  
Terukir sepi,  
Menitiskan air mata meresapi nada sendiri,  
Menunggu kepulangan si gadis ke mari,  
Namun hakikatnya,  
Telah menghilangkan diri,  
Tanpa sebarang desas desus dan khabar angin,

Membuatkan bonda dan ayahanda khawatiri.

Jasa bonda yang pengiraanya jauh tidak disedari  
Sentiasa merindui lumrah kaum hawa sendiri,  
Lemah jantung gugup berserah diri  
Akhirnya bonda dijemput Ilahi,  
Ajal dan ketentuan ALLAH lebih mengetahui.

Mendapat khabar tertusuk di hati,  
Kucupan terakhir buat bonda yang pergi,  
Titipan doa buat insan yang disayangi,  
Adinda mengakui kesalahan ini,  
Semoga bonda sudi memaafi.

Akhir kata pujangga berirama,  
Detik indah memori pautan tidak terduga,  
Menitis air mata tatkala sujud seorang hamba,  
Melambangkan tanda keinsafan kepada Yang Maha-Esa.